

SCRIPT OF MORNING GOJRI NEWS BULLETIN 24 FEB 2025 1015HRS

مارننگ گوجری نیوز بولٹن 24 فروری 2025

یوہ آکاشوانی جموں عبیدالرحمان تیں خبر سُنو۔

LG RAJBHAWAN

لیفٹیننٹ گورنر منوج سنہا نے سماج تے قوم غی ترقی خاطر ہر فرد نانہ اپنی زمہ داری نبھان ور زور پایو تے کہیو کہ ملک غی ترقی خاطر وے ہر زمہ دار آدمی ور یقین کریں گزشتہ روز راج بھون جموں مانہ ایل جی موصوف نے اروناچل پردیش تے میزورام غا گچھ شہریاں نال ملاقات کی جس دوران ملک غی مجموعی ترقی تے سماج غا ہر طبقہ غی بھلائی بہتری بارے تبادلہ خیال کیو گیو ایل جی موصوف نے کہیو کہ ہم سب نانہ مل غے سماج غا ہر طبقہ غی معاشی ترقی تے ہر فرد غی باختیاری وستے کوشش کرنی دچاہیے۔ اس دوران موصوف نے ۲ واں ریاستاں غی تیز ترقی وستے نیک خواہشات غو اظہار وی کیو۔

CM INVESTORS

وزیر اعلیٰ عمر عبداللہ نے کہیو ہے کہ سرکار سرینگر غا گلمرگ علاقہ مانہ کئی مشہور سیاحتی مقامات ور بنیادی ڈھانچہ غی ترقی خاطر گچھ نجی سرمایہ کاراں نال گل بات کر رہی ہے موصوف نے کہیو کہ گلمرگ غا سیاحتی مقامات ہلی سکینگ تے سفاری خاطر ایک ہوائی جہاز نانہ ہر وقت دستیاب رکھیو جے غوبارہمولہ مانہ خبری نمائینداں نال گل بات کرتا مانہ موصوف نے کہیو کہ جموں کشمیر کیل کار تنظیم نوا کیل کار پروجیکٹ بنان غا منصوبہ تیار کر رہی ہے انہاں نے کہیو کہ اس سال برف کھٹ ہوئی ہے لیکن پھر وی سکائیر موسم غو خواب مزو لے رہیا ہیں کھیلو بھارت کھیڈاں غا وقتی طور ملتوی ہون ور تبادلہ خیال کرتاں مانہ وزیر اعلیٰ نے کہیو کہ اس ضمن مانہ ۶۲ فروری تیں بعد برف غی صورتحال نانہ دیکھ غے ہی اعلان کیو جے غو۔

SPEAKER ALL PARTY MEET

جموں کشمیر قانون ساز اسمبلی غا سپیکر عبدالرحیم م پارٹیاں غی میٹنگ طلب کی ہے تاکہ بجٹ اجلاس غی کاروائی احسان طریقہ نال چلائی جاسکیں اس میٹنگ مانہ این سی بی جے پی پی ڈی پی تے پیپل کانفرنس غا لیڈر شرکت کریں غا ۳۴ دن غو یوہ بجٹ اجلاس کافی تاریخی وے گو جس دوران حزب اختلاف جماعتاں غا لیڈر دفعہ ۳ سو ۰۷ تیں علاوہ شراب غی خریدو فروخت ور پابندی تے کئی دیگر معاملات زیر بحث آئے غا۔

ITOO HEALTHCARE

صحت تے طبی تعلیم غی وزیر سکینہ اتو نے ضلع گُلگام گا لیمر تے چوگام گرائیاں مانہ نوا تعمیر ہویا ۲ بنیادی صحت مرکز اں غو افتتاح کیو ہے اس موقعہ ور بولتا واں موصوف نے کہیو کہ سرکار دیہی علاقان غے اندر طبی ڈھانچہ نانہ مزید بہتر بنان وستے موثر اقدام کر رہی ہے انہاں نے کہیو کہ یہ صحت مرکز دیہی علاقان غا لوکاں نانہ ضروری طبی سہولت دستیاب کریں غا تے ان نال ضلع ہسپتال ور عوام غا انحصار کٹے غو اناں نے کہیو کہ سرکار عوام وستے بہترین طبی سہولیات فراہم کر رہی ہے نوجواناں مانہ منشیات غا بدھتا معاملات

ور تبادلہ خیال کرتا و ان موصوفہ نے کہیو کہ اس ضمن مانہ سماج غا زی شعور افراد نانہ اپنو کردار ادا کرنو چاہیے تے عوامی بیداری عام کرنی چاہیے اُناں نے کہیو کہ سرکار منشیات گا معاملات نال نبڑن وستے موثر اقدام کر رہی ہے۔

FOREST SAPLINGS

جموں کشمیر جنگلات محکمہ نے ماحولیاتی تبدیلی ور قابو پان خاطر تے علاقہ غے اندر جنگلات غا تحفظ خاطر اس سال مارچ مہینہ غا آخر تک ۱ اشاریہ ۵ کروڑ نوا پودا لان غو ہدف طے کیو ہے اس جمن مانہ محکمہ نے جنگلات تیں باہر لوکاں نانہ کئی پودا تقسیم کیا ہیں جنگلات مانہ اگ لگن غا واقعات ور تشویش غو اظہار کرتا مانہ جنگلات غا پرنسپل چیف کنزرویٹر ایس کے گپتا نے ان معاملات نانہ خشک موسم نال جوڑیو تے متعلقہ محکمہ گا افراد نانہ اس طرح غا معاملات ور فوری قانو پان غی ہدایت کی تاکہ کسے برا نقصان تیں بچیو جاسکے موصوف نے مقامی لوکاں نانہ اس شجر کاری مہیمانہ بڑھ چڑھ غے حصول لین غی اپیل کی اُنہاں نے مزید کہیو کہ ایس ایس آر بی غے زریوے جنگلات محکمہ خالی اسمایاں نانہ پُر کر غے اپنی فوج نانہ بدھا رہیو ہے۔

ANNOUNCEMENT

علاقائی خبراں آلو شعبو آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو پینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی حد 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات نے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی ہارڈ کاپی ضروری دستاویزات غے ہمراہ ہیڈ ريجنل نیوز یونٹ آکاشوانی پنجنرتھی جموں مانہ بزا ت خود آئیندہ 7 مارچ توڑی دے سکیں۔ ور www.newsonair.gov.in اس بارے مزید جانکاری ویب سائٹ دستیاب ہے۔
